

餘，面呈白沫，青草紅柳，隨風飄搖，略有陶片及小銅錢。陶片作紅色，小錢亦與色當沁一帶所拾者相同。城門南北開。東門外又有土埂一道，疑爲舊城基。在此稍停，復東行，轉東南行抵葉現比，住鄉約家中。葉現比是集鎮名稱，爲沙雅縣之一大鎮，本地名爲英爾默里，在英爾默里南北均有古城。十月一日，先考查北面之大城。先向北偏東走，約三里許，抵托卜沁舊城。只餘牆基，高約三米，周約一百六十八米。東北開門，城中泥淖深尺許，表面結成硬殼。稍停，復北行，至羊達克沁大城（附圖拾貳，<sup>3</sup>），距英爾默里巴雜約二十里。城牆全爲土築，現僅餘牆基，高約一米，北面漸至滅迹。城三重，大外城周約三千三百五十一米，內城周五百一十米，中有土阜一綫，或爲古時建築中心區。牆壁傾圮，隆起爲阜。內城至外城中間尙有一城。北面牆基不明，城中沙阜累累，枯朽結泥，經硝鹹蒸發，極爲堅結。檢視無一遺物，連陶片亦不可得。據本地傳說，此爲韃子城，已二千多年矣，莫哈默德出世前，即有此城。言雖無稽，然以此城建築術論之，確在唐以前也。晉書四夷傳龜茲條云：「龜茲國俗有城郭，其城三重，中有佛塔廟千所」（晉書卷九十七，頁十三），與此城形勢暗合。中間之高地，或即佛塔之傾圮者。據此，是此城爲第三世紀中期之舊城，距今已一千七百餘年矣。二日復考查英爾默里巴雜南面之舊城，在莊西南約十餘里，爲小羊達克沁。此地名克子爾庫木，即紅沙之義，故此城又稱爲克子爾沁。周一百三十五米，城牆已傾圮，只餘牆基。在東北隅有一土墩，略高。城中除稍有紅陶片散布外，無他遺物可檢。在此城東二里許，有阿雀墩已頽圮。在此稍停，復西南行，約十餘里，過羊達克沁大渠，抵大羊達克沁。周約二百三十二米，實則爲一小城。城中被水衝刷，城牆已傾，惟北牆稍高，約一米，爲土坯所砌。城東南隅有一土墩，城外相距約半里，有土墩二，高約一米餘。本地居民送來一銅花押及銅件，據說在城中所拾。又在城北沙磧中拾一木章，或亦作簽押之用。汗木多等亦在城中拾「大曆元寶」大錢一枚（公元七三九年鑄），則此城在唐大曆後仍有居民，且爲唐城。城之北、西兩面沙磧中，陶片鐵塊散布甚多，象徵此城過去之繁榮。下午又考察月勒克沁（插圖叁，<sup>2</sup>；附圖拾叁，<sup>2</sup>），北距大羊達克沁約二十里。城在湖灘中，爲圓形，城牆已毀。現存基址，高約〇·七米，紅土所築。周約二百五十米，中有土墩，已傾圮，形式與輪台南之柯尤克沁，即吾人所斷爲命頭城故址者相同。陶片作紅色而粗厚，年代較古。城中已成泥淖，面暴鹹沫若霜雪，據說此爲近年事，十年前尙不如此。以東相距約半里，有一土墩。四週有作長方形之牆基，周約九十米，瓦礫、鐵塊甚多，陶片作紅色。城南隅有發掘痕迹，審其形式，似爲房屋建築。余等在南牆下，拾有開元錢及五銖錢各一枚。是此墩必與月勒克沁有關係，且爲同一時期之遺址，原爲漢城，至唐此地尙有居民活動其間也。據說在月勒克沁南尙有二古城，在沙窩湖灘中，驢馱不能去。余等曾騎馬前往探查，除在南十餘里地之沙窩中，覓得一有陶片古地外，古城終未覓獲。蓋沙窩縱橫，易致迷途，而且沙阜類土墩，紅柳擬城牆，覓尋古城，誠非易事。乃放棄尋覓古城企圖，返